

خزینہٴ اوراق

نمبر
۱۶

تاریخ تاسیس
۱ مایس سنہ ۱۲۹۲

جمعہ ابرتسی

عمومی اعتباریہ فنونہ دائر رسالہٴ ادبیہ در

آبدہ درت کرہ اولہ رق جمعہ ابرتسی کونلری چبقار

تجربہ پریند متوقفدر. بر شی ایسه مقیم اولمیشجه البته موجوددر.
بناء علیه

« بر شی هم موجود هم معدوم اولمیز »

سوزنده - بر شی هم موجود هم معدومدر - و یا تعبیر اخرله
- عدم موجود - معناسی مندمج اولدیغیچون حکمی جمع
تقیضینک نفیدن عبارت اولان بو قضیه حد ذاتنده بر برینی
مناقض ایکی تصدیقی جامع و بناء علیه بطلانسه بنفسه
پیندر »

خیالک پارلاقلغنده شبهه یوق . فقط حقیقتدن بری اولدیغنی
ظاهره چیقارمامقده کوچ برشی دکلدر .

عدم کړک مطلق اولسون و کړک عادی اولسون موجود
اولماغله تصویرینک انتقاسی لازم گلز .
مابعدی وار
کمال بک

دون و یارین

« ارسطو دیرکه، ارض دائما بر صورته کورنمز؛ بوگون
طیراق دیه ایانمک باصدیغی برلر بر زمان دکرایدی، ویند دکر
اوله جق، و دکر بولنان مواقع برکون کله جک کده قطعات بریده
تحول ایدم جکدر وقت هر شیئی تغییر ایدر »

اهالیسی چوق ویناسی غایت اسکی بر شهر دن پکیملارک
ساکنلرندن بریند، بوشهر عجبا نه وقت انشا ایدمش دیدسؤال
اولنسه؛ « بو عظیم شهرک زمان انتقاسنی بطلکلکم قابل اولمیدیغنی

کبی بو بایده اجدادمن دخی بزم قدر بی خبردر» دیه جواب
 النور بشیوز سنه صکره تکرار او محلدن پکیلوب نه اوشهر
 عظیمدن بر اثر، نده او معموره جسمه دن بر نشانه، کوریلنجسه
 شهرک موقعنده حاصل اولان صحرالزدن اوت طویلایان بر
 کویلییه بوراده بویله بر شهر واریش خراب اولدی نقدر
 مدت گذران ایش دیه سؤال اولندقد» «نه غریب سؤال، بورا-
 سی من الاول بویله ایدی» دیه جواب ویرر جانم بوراده
 اسکدن غایت جسم بر معموره واریدی نه اولدی دیه سوریلور؛
 «بن قطعاً بویله برشی ایشتم، شو موقعده کی بو حال سکون و سکوت
 میدانده طور و ب طور رکن بر معموره نک وجودینی تصور ایتمک انسانی
 نصل مبهوت ایتمز نه بزم مشهود آتمز ونده پدرلر مندن وقوع بولان
 مسموعاتمز، بوراده بویله بر شهرک وجودی حقیقه بر کونه
 معلوماتی منتج اولماشدر» دیه مقابله ده بولور اره سی بش
 یوز سنه ده مرور ایتدکن صکره ینه او محله وارانقد» بو
 سفر او صحرالزدن ده بر اثر قالدینی وانلرک برینه عظیم بر دریا
 ظهور ایدوب مواحلته برچوق خلقک صیدماهی ایله اشتغال
 ایتمکده اولدقلری مشاهده ایدیلرک بو قوجه دکر بورالری
 نه زمان طولیدردی دیو بالتجیلره سؤال اولنور؛ «عقل
 و ذکا ایله حیوانات سارن دن ممتاز اولان انسانک، موجب ضحک
 واستهزا بویله برسوالی حقیقه انسانیت ایچون مستلرم شیندر
 بوراسی شمدی کوردیکمز کی نصل دکر ایسه بوندن بشیوز
 سنه بیک سنه اول ینه بویله دکردی» دیه جواب ویررل.
 بشیوز سنه دها یکدکده، برده کوریلورکه دکردن ده اثر بوق؛
 سورلک او موقعدن نه زمان چکلدیکنی اکلامق ایچون انسانه

بر مراق مستولی اولور، بونک اوزرینه ینه بر آدمه
 صورلدقده او دخی اوته کبلر کبی جوابلرده بولته رق «جهانده
 تقدیر موجودات وارسه وسن انلری نه حالده، نه صورتده کو-
 ریورسده انلر ینه اویله در اصلا تبدل وتغیر ایتمزلر دیر .

ینه او قدر بر مدت پکدکدن صکره صوکه دفعه اولمق اوزره
 تکرار او محله واریلور برده کوریلورکه او صحرالرده عالی بر
 معموره بنا ایدلمش؛ معموره بی تشکیل ایدن او جسم اینته نک
 زینت وشکوهی، اولکبلره فائق، واهالیسی اسکینسککندن بیک
 قات زیاده .

بو معموره نک او محله نه زماندنبرو موجود اولدیغی اکلا .
 مق ایچون اهالیسنه مراجعت اولنور بونلر دیرلرکه «بوشهرک
 بنامی او قدر قدیمدرکه دکل بز، پدرلر من بیلله بو بابده برشی
 بتلزلر .

اشته کره ارضده کی قطعات بریه نک آن بان وقوع بولمقده
 اولان تحولات وتغیراتی صورت مفیده ده تفهیم اینک مقصدیه
 محمود غزنوی بو مقالات نفیسه یر ایراد ایتمش اولدیغی مرویدر .

قرون متقدمده کلوب پکان فیلسوفلرک اعتقاداته ومصر
 وهندک اک اسکی صحایف تاریخیه سنده تصادف اولنان معلوماته
 نظراً سطح ارضک شمعی به قدر بیک درلو قالبه
 کیرمسی موجب اولان بوتکونانک، حصولنه انجق طوفانلرک
 سبب اولدیغی ظن ایدلمکده ایمش لکن جهالت سببیه بو ظنیات
 برطاقم افکار باطله نک ظهورینه باعث اولوب تحولات مذکوره بی
 تعبد ایتدکلری الهلرینه عطف ایلرلر ایمش .

بواعث قادات سخیفه اورته دن قالدی چوق زمان اولیوب
 باخصوص علم طبقات الارض عصر اخیرده میدان جقمشدر .
 علم مذکور سایه سنده ارضك هر هانکی طرفی تعمیق اولنسه
 بولنان مدیه قبوقلری وسائر، اوراسی وقتیه بر بحر عظیمک میدان
 تلاطمی اولدیغنده قطعاً شبهه براقز .

پیاغی دیوار طاشلری بیلهدقتله معاینه اولنسه مدیه قبوقلریله
 قاریشق اولدیغی کوریلور باخصوص آلت واسطه سیله بر تبه شیر
 پارچه سی معاینه ایدلدیکی حالدده انی ترکیب ایدن اجزائک مدیه
 وسائر دکر قبوقلرندن عبارت بولندیغی مشاهده ایدیلور .

سطح ارضده واقع بویه تبه شیرلی اراضی بر طاقم صولی
 پیغتلر، کومهلر، یعنی اخلاط مجتمعه اولوب وقتیه بو اراضینک اوزرنده
 دکر موجود اولدیغی کوستر و دکرک حصوله کتوردیکی مذکور
 اخلاط مرور اعصار ایله غایت قالین قشر یعنی قبوق حاصل
 ایتشدیرکه بو قشر اوزمانلر یشامقده اولان بر طاقم حیواناتک
 کیکلریله مالا مالدر .

پارسک اراضیسی قازلدیغی وقت بر طاقم اثار غریبه طبیعیه
 تصادف اولمشدرکه کویا اثار مذکوره ید طبیعتک حاک ایتش
 اولدیغی بر طاقم محررات اولوب انلرک قرائتیه نیجه نیجه اسرار
 خلقت میدان یافته بداهت اولیور؛ بو اراضینک طبقاتی معاینه
 اولندقدده ارضك برنجی اخلاطی نه کی اجزا واجسامدن وبولنرک
 تشکیلاتی ایجاب ایدن اسباب نه کی اسراردن عبارت اولدیغنه
 انسان کسب اطلاع ایدر .

پارسک اراضیسی قازلمغه باشندقدده برنجی اخلاطدن ابتدا
 طبقه اولاده بر طاقم دکر حیوانلرینک کیکلری کوریلرک وقتیه

اوراسی بیوک بردکز اولدیغی اکلاشلشدیر طبقة ثانیه ده برچوق
قره حیوانلرینک کیکلری بولنوب بولرله دخی برزمان اورادن
دکزک چکلش اولدیغی میدان چیقشدر طبقة ثالثه ده ینه برطاق
حیوانات بحریه کیکلری ومدیه قیوقلری کوریلوب بوحالدن ایسه
طیراغک کسب ضعف ائلسیله ینه اوراده دکز حصوله کلدیکنه
حکم ایدلمش وطبقه رابعه ده دخی عادتا شمیدیکی حیواناته بکرر
بعض حیوان کیکلری بولنشدیر .

طبقه خامسه ده ینه دکز انحلاطی کوریلدرک تکرار اورالیدی
دکز استیعاب ایتش وطبقه سادسه ده ینه شمیدیکی حیوان کیکلری
وبعض صنایع بشریه میدان چیقوب بوکونکی طبقه ناک اوزمان
باشلامش اولدیغی استدلال اولنشدیر .

کره ارض اوزرنده موجود اولان اثار واحوال حاضریه
ومختلف محالرده برالنده کشف ایدیلان کیکلره وسائریه باقدرق
انسانک ظهورندن اول اورویا نه حالده بولندیغی کوستر برطاق
طبقات الارض خریطه نری یانلشدیر حاصلی پارسک بولندیغی
اراضی وقیله صولر النده اولوب هر حال وموقعی شمیدیکندن
بستون بشقه برحاله ایدی .

کره ارضک علم طبقات الارض سایه سنده احوالی اکلایه
بیلدیکمز کی برکون اوله جقدرکه علم مذکورک آن بان وقوعه
کلان ترقیات جدیده سی مسکنرک استقبالی ده بزه کشف
ایتدیره جکدر .

بونکله برابر بعض مسائل حقنده شمیدی اصلا خیال
و خاطر مزه کلیان کیم بیلور ایلروده نه کی کشفیات واسباب
ظهور ایدرک علوم وفنون جدیده ناک تولید و ذهنزده تأیید

ایتدیکئی افکار و معلومات حاضرہ تک دھا تقدیر تغیرات عظیمہ سنی
موجب اولہ جقدر ؟

لکن بوراسی محققدرکہ جهانہ ہرشی متحولدر سطح ارض
ابدی برحدہ تحولاندن یکجور ہوکونی دکرل برکون اولہ جقدرکہ
قطعات بریدہ تبدل ایدہ جقدر لکن بو تحولات عظیمہ بزم
کرہ ارض ایچون بلکہ دھا شدیلک حصول بولمز .
ممکندرکہ قطب شمالیدہ تراکم ایدن بوزل کرہ ارضک
محوری ایچندہ بر حرکت سریعه حصولہ کنوروب ارضک مرکز
موازنہ سندہ کی موقعی تخلف ایتمیلہ برزلزلہ عظیمہ ظہور
وبوکا بنا بالعموم مخلوقات ذوی الارواحی مستغرق ہلاک
ایدہ جک و دکرل تبدل مواقع ایلوب یواش یواش ظہور ایتمی
محمل اولان بو وقوعات بلکہ بویلہ لککہ و صورت سریعه دہ
وقوع بولہ جقدر .

ممکندرکہ کرہ ارضک فضای نامتناہی ایچندہ اقتباس ایتمکدہ
اولدینی شعاعی صغومغہ باشلہ برق وانجق صغوق سبیلہ انجماد
ایتمش و قائلانش اولان قشر ارضدہ بر طبیعت هواناک تدنسی
سبیلہ بوزلردن بشقہ مایع بولنیمہ جقدر .

استقبالمز حقندہ کی بو کشفیات یقیندہ تحقیق ایتمدیکئی حالہ
بہمد حال برحقو عصرلردن صکرہ ظہورہ ککہ بیلور چونکہ
علم ہیئت بزہ معافدرک نہایت سزلکنی کوستردیکئی کبی علم طبقات
الارض دخی زمانک نہایت سزلکنی ارانہ ایدر .

برکون اولورکہ نوع بشرک دخی کرہ ارض اوزرندن زمان
غیبوبقی کلور واناک یرینہ بشقہ بر مخلوق پاک قدم نہادہ
وجود اولور .

قدم عالمه نسبتله پک یقین وقتلرده ظهوره ککش اولان طوفانلر عجیبا بردها اولمیه جغتیه نصل حکم ایدیه بیلور؟ علوم حاضره یو باده بزه تأمینات و برپورمی؟ یو حاللری دوشوندیکمز حالدیه عجیبا نرده یشایه جغز .

شمدی شوراسنی تدقیق ایدیه لمکه ارضک بو کی وقوعات مدهشده سی آفر آفرمی یوقسه بردن بره می وقوعوبیلور؟ اشته اوروپا عثمای مشهوره سنک اک زیاده اکلامق استدکلی و تدقیق ایتیمکده اولدقلری بو مسئله لر در حالبوکه بو ایکی مسئله ناک ایکیسی ده مقارن حقیقت اولدیغی کونمزده بعض علامتله میدانیه چیقپور مثلا بعض ساحلر وارکه یواش یواش دایما یوکسلکده اولدیغندن بونک دوا می ایلروده تحولات مذکوریه ی وقوعه کتوره بیلور دیگر طرفدن یقین وقتلره کلنجده قدر وقوعبولان شدتلی زلزله لر و یکیدن بعض طاغیر ظهور ایتیمی سطح ارض اوزرنده پک چوق تبدلات وجوده کتورمشدر (قوردیلیر) سلسله جبالی بویله یوکسلرک سطح ارضده عظیم چیقنتیلر و مدهش صورتده زلزله لر پیدا ایدوب جوارنده بولشان دکر برندن فرلامش و اورالری عادتا طوفان بلا اتنده براقشدر بو وقوعات مهیه عجیبا ینه اوله جقمی؟ اولما سنک احتمالی دهها غالب؛ چونکه برودت سببیه کره ارضک قشری یعنی قبوغی کیت کیت قالینلاشدرق قوت بولمسببیه ارضک ایچنده کی یا تمقده اولان اتشه دهها زیاده مقاومت ایدیه بیلور لکن بوراسی محققدرکه کره ارض دکرلینی و محاط اولدیغی هوای نسیمی یو غیب ایدوب عادتا کره قمرکی اوله جقدر زیرا ارضک داخلنده اولان کیمیت اشتعال و اذابه سببیه قشری قالینلاشدرقجه

سطحندہ اولان صولری بلع ایتمکده در ارضک قشری مسا -
 ماتلی اولدیغندن صوبیکرلرله دلیکاردن ارضک ایچنه وتام
 مرکزینسه طوغری صیرار وایچروده آتشک وسعتی ازالدقجه
 صودخی آزالور بروقتدنبرو ایوجه مشاهده اولنقدہ درکه
 برطاقم نهرلرک وکوللرک صولری ازار ازار ازالنقدہ در بعض
 هباتک اجرا ایتدکلری حسابله نظرآ ارضک دریمی یوزاللی
 کیلومتر و قالینلغنه کلدیکی انده دکلر دخی محو اوله جقدر
 اوزمان کره ارضده رطوبت قالدینی کی سطحندہ دخی حیاتدن
 اثر کورلیه جکدر هوای نسیمی شمشک شدت شعاعنه مقاومت
 ایده میسوب ارض اوزرنده جهنم کی کوندزلره بوزلی کبجه لری
 تعقیب ایده جکدر لکن کره ارض شمشک اطرافنده کی دورینه
 خلل کتور میوب برلاشه دیگر لاشه بی سوروکلر کی ارض
 دخی قری ارقه سنده سوروکلیرک کونشک اطرافنده دوندجک
 و بر مدت صکره نوبت کونشه کلسوب او دخی برودت سببیلله
 سونمکه باشلادقده بزم عالم شمسی (Système solaire) برظلمت
 ابدیه احاطه ایلده جکدر؛ عجباً اوزمان بو قدر سیاراتک انقاضی
 نه اوله جق؟ اشته بوراده عقل بشری کی علومک دخی
 عجری دخی ظاهر اولور.

باقی